



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

Број/Број: 06/7-50-13-107-18-3/11
Сарајево/Sarajevo, 22.12.2011.

ZAPISNIK

18. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine

(u daljnjem tekstu: Nezavisna komisija),

održane 22.12.2011., s početkom u 10 sati

PRISUTNI ČLANOVI NEZAVISNE KOMISIJE: Mile Lasić, Semiha Borovac, Milana Škipina, Damir Čačković i Predrag Crnogorac.

OSTALI PRISUTNI: Privremeni sekretar Nezavisne komisije Eldina Smailagić.

Sjednicu je otvorio i njome predsjedavao predsjednik Nezavisne komisije Mile Lasić.

Za sjednicu je predložen sljedeći

DNEVNI RED

1. Usvajanje Zapisnika sa 17. sjednice Nezavisne komisije;
2. Usvajanje Izvještaja o posjeti KPZ-u Foča po predstavi Željko Mejakić i drugi osuđenici;
3. Informacija o odgađanju posjeta KPZ-u Trebinje i KPZ-u Mostar;
4. Tekuća pitanja;

Ad.1. Usvajanje Zapisnika 17. sjednice Nezavisne komisije

Zapisnik 17. sjednice Nezavisne komisije usvojen je jednoglasno i bez primjedbi.

Ad.2 Usvajanje Izvještaja o posjeti KPZ-u Foča po predstavi Željko Mejakić i drugi osuđenici

U vezi sa ovom tačkom dnevnog reda, predsjednik Nezavisne komisije podsjetio je prisutne da je na prošloj sjednici usvojen Izvještaj o posjeti KPZ-u Foča i da je donesen zaključak da će u vezi s dostavljenom predstavkom zatvorenika KPZ-a Foča Željko Mejakić i drugi osuđenici od 18.8.2011., Nezavisna komisija sačiniti poseban izvještaj.

Obzirom da je prijedlog Izvještaja o posjeti KPZ-u Foča po predstavi Željko Mejakić i drugi osuđenici članovima Nezavisne komisije ranije dostavljen, predsjednik Nezavisne komisije je otvorio raspravu po ovoj tački dnevnog reda.

Za riječ se javila prvi zamjenik predsjednika Nezavisne komisije Semiha Borovac koja je istakla da ukoliko se pravi poseban izvještaj po predstavi onda se treba bazirati na ono što je navedeno u predstavi a to je upućivanje u zavod koji se nalazi blizu mjesta prebivališta osuđenika i primjena instituta uslovnog otpusta. U samoj predstavi navedeno da su podnesene apelacije Ustavnom sudu BiH zbog kršenja prava na pravično suđenje pred Sudom BiH i da podnosioci predstavke ne žele time da opterećavaju Nezavisnu komisiju a da posebnu pažnju po ovoj predstavi treba skrenuti na probleme izvršenja kvičnih sankcija.

Kako Sud BiH na izdržavanje kazne osuđene upućuje u entitetske zavode, Nezavisna komisija treba provjeriti da li je u momentu upućivanja u zavod postojala mogućnost upućivanja u neki drugi zavod bliže mjestu prebivališta osuđene osobe i njegove porodice.

Naime, u Evropskim zatvorskim pravilima tačka 17.1 se kaže da će se zatvorenici rasporediti, koliko god je to moguće, u zatvore koji su blizu mjesta prebivališta.

Vezano za uslovni otpust, Nezavisna komisija treba provjeriti navode iz predstavke koji se odnose na to da se nekim zatvorenicima koji su osuđeni za krivična djela protiv čovječnosti nikada nije odobrio uslovni otpust i nakon odsluženja 2/3 kazne. Potrebno je utvrditi da li se institut uslovnog otpusta primjenjuje ili ne.

Prvi zamjenik predsjednika Nezavisne komisije je na kraju istakla da Nezavisna komisija ne treba da ulazi u nadležnost suda u vršenju pravosudne funkcije.

U okviru ove tačke dnevnog reda Nezavisna komisija jednoglasno je usvojila Izvještaj o radu povodom Predstavke zatvorenika Željko Mejakić i drugi br. 05/6-50-17-873/11, od 18.8.2011. iz KPZ-a Foča s tim da su na preporuku iz tačke 1. Predrag Crnogorac, drugi zamjenik predsjednika Nezavisne komisije i Milana Škipina, član Nezavisne komisije, dali izdvojeno mišljenje koje se nalazi u prilogu ovog izvještaja.

Ad.3 Informacija o odgađanju posjeta KPZ-u Trebinje i KPZ-u Mostar;

Vezano za predmetnu tačku dnevnog reda, predsjednik Nezavisne komisije je informisao prisutne da će do naredne sjednice biti dostavljena iformacija u pismenom obliku od strane Zajedničkog kolegija oba doma Parlamentarne skupštine BiH o odgađanju posjete Nezavisne komisije KPZ-u Trebinje i KPZ-u Mostar.

Ad.4. Tekuća pitanja

U okviru ove tačke dnevnog reda, Milana Škipina, član Nezavisne komisije je predložila da se razmotre mogućnosti dodatne finasijske naknade za člana Nezavisne komisije Damira Čačkovića, koji je za svaku posjetu Nezavisne komisije uradio nacrt zapisnika i izvještaja o posjeti.

Predsjednik Nezavisne komisije Mile Lasić zaključio je sjednicu u 13,30 sati.

PRIVREMENI SEKRETAR

PREDSJEDNIK

NEZAVISNE KOMISIJE

NEZAVISNE KOMISIJE

Eldina Smailagić

dr. sc. Mile Lasić